

Lungzswng: Banh Lajmbanj Yezyiz Vwnzyi Comzyienj “Nauh” Cieng Moq

龙胜：举办农村业余文艺汇演“闹”新春

2 nyied 27 hauh daengz 28 hauh, Lungzswng Gak Cuz Swciyen banh daih 38 gaiq lajmbanj yezyiz vwnzyi comzyienj, 10 aen doih daiqbiuj vwnzyi yezyiz lajmbanj yanghcin daj daengx yienh daeuj haenx, gungh miz 30 aen gak cungj loihhingz cezmuз doxlwnz dwk hwnj daiz yienj heiq, ciengqgo、diuqfoux、siujbinj、ciengqheiq daengj, langhyienj le vunz Lungzswng gij cingsaenz funghmau enj aek doxhwnj haenx.

Cezmuz camgya comzyienj haenx nemgaenj sevei cujyi gyacizgvanh、gung geng vutgungz、cingqheiq rumz cingh、gyaez nyez gingq laux、swnjcienz “feihyiz” daengj neiyungz, daj gokdoh mbouj doengz haenx langhyienj le seizdaih moq sevei ginghci hwngfat caeuq fungsug fungeingz Lungzswng, hawj vunzlai soengq bae le donq ngaiz hoenghhwd vwnzva ndei yawj he.

(Banh Cisiengz/潘志祥)

► Yenjyenz yienj dahsau Dungcuz daenj haizmoq.



▲ Seizcin vadauz hai ndei yawj dangamaz.

Gunghcwngz: Daih 16 Gaiq Ciet Vadauz Hai Suen

恭城：第16届桃花节开园

3 nyied 3 hauh banhaet, Gunghcwngz daih 16 gaiq ciet vadauz hai suen yizsi youq aen yienh neix Gyahvei Cin Daibingz Cunh hoenghhwd haiguh. Yienh Vwnzgunghdonz、Gunghcwngz Minzyi Gunghcozsiz lienzhab langhyienj le cezmuз vwnzyi ndei yawj.

Ngoenz daihngaih banhaet, Yauzcuz aeuhaq youq gwnz raemx langhyienj, sing loxlez goksasa, aen giuhva hix gyaundeі raixcaix, aen doih ciepaen daenj buhvaq Yauzcuz ronghsag, youq diuz dah gyaundeі Bingzanh Yangh Sesanh Cunh youzgvaengx, caiqyienh le gij conzdungj Yauzcuz aeuhaq doiqfwen、dajhaq、couxcaen、baiqsax daengj vanzcez, sawj yienhciengz vunzlai caeuq hekyouz gamjsouh daengz le gij minzsuz conzdungj gyaundeі.

(Couh Sidungh/周世通 Luz Vwnzcing/陆文静)

Yungzsuij: Fanh Vunz Ganj Hoihbo Angqyangz Hoh Cibngux

融水：万人赶坡会 欢乐庆元宵

2 nyied 28 hauh, liggaueq ndwencieng cibsam, dwg Yungzsuij Myauzcuz Swciyen Anhdai Yangh aen hoihbo cibsam conzdungj he. Baenz fanh Myauzcuz、Yauzcuz、Dungcuz daengj siujsoq minzcuz beixnuengx daj seiqlengq daeuj haenx daenj buh vaq ngoenzciет, comz youq itheij, boqvenz、diuq fouxcaiјdangz、diuq fouxvenz、yawj max doxdik daengj, vuenvuen heijheij angqyangz hoh cibngux.

Ciuq cam rox, Yungzsuij Anhdai Yangh hoihbo cibsam daengz seizneix gaenq miz it bak lai bi lizsij. Bineix hoihbo cibsam boux maijgyaez minzsuz caeuq boux maijingsiengq geij cien vunz daj daengx guek gak dieg daeuj haenx, gya hwnj vunzlai dangdieg baenz fanh vunz, sing venz sing fwen, diuq fouxcaiјdangz mbouj dingz, youq ndaw sing gyonglaz daihgya dox baiqnienz, biujdap doiq fungsou angqyangz caeuq maqmuengh rumz swnh fwn yinz.

(Suz Cin/栗俊)



▲ Hoihbo cibsam vunz cien vunz fanh.

Aenhag Siujyoz Lozcwngz: Haihag Banh Minzsuz Hozdung

罗城小学校：开学举办民俗活动



▲ Hagseng yienh din-fwngz raedceij.

3 nyied 1 hauh, Lozcwngz Mulaujcuz Swciyen Daihngaih Siujyoz haiguh bi 2018 seizcin haggeiz haihag denlij nem gaiq daihngaih ciet vwnzva nienzsug “coux cin bima、ndaw hag muenx fuk” hozdung. Youq ndaw hozdung, aeu nienzgaep、bangaep ma guh gizlanghбай, gyoengq hagseng bienqbaenz “bouxgaicawx” iq, dawz gigwn daegsaek cietheiq caeuq vunz ndaw ranz itheij guh haenx hawj doengzhag cimz, caezgya caemhyiengj gigwn daegsaek, gamjsouh cietheiq nauhyied ndwencieng caeuq cibngux, mizmbangj doengzhag miz dinfwngz haenx doenggvaq raedceij, sij doiqlienz daengj hingzsik soengq hohfuk hawj ngoenzciет.

Mbat hozdung neix, hawj gyoengq hagseng daejniemh vwnzva conzdungj gag miz Cunghvaz minzcuz, caenn dang bae gamjsouh gyaundeі vwnzva Cunghvaz minzcuz, sawj aen hozdung conzdungj ndwencieng minzcuz cingzvaiz engqgya noengznwd.

(Vuz Siuhyi/吴修奕)